

摘藻堂四庫全書薈要

史部

欽定四庫全書叢要

史部

御批歷代通鑑輯覽卷二十五

詳校官助教臣常循



欽定四庫全書薈要卷七千四百七十八

御批歷代通鑑輯覽卷二十五

後漢

熹皇帝

熹三年春正月詔求故太尉李固後

初固自知不免遣三子歸鄉里幼子燾年十三姊文

姬為同郡趙伯英妻密與二兄基茲

基字憲公茲字季公茲為長吏

聞固策免並棄官亡歸巴漢

謀豫匿燾託言還京師人不知覺有

頃難作州郡收基茲於郾城皆死獄中文姬乃告父  
門生王成曰君執義先公有古人之節今委君以六  
尺孤李氏存滅其在君矣成乃將變乘江東下入徐  
州界變姓名為酒家傭而成賣卜於市各為異人陰  
相往來變從受業專精經學積十餘年梁冀既誅大  
赦天下求固後嗣變乃還鄉里追行喪服姊弟相見  
悲感旁人姊戒變曰吾家血食將絕弟幸而得濟宜  
杜絕衆人勿妄往來慎無一言加於梁氏加梁氏則

連主上禍重至矣變從其誨後成卒變以禮葬之每

四節為設上賓之位而祠焉

變後為議郎擢河南尹卒於位

單超卒

劉友益書法超宦者書卒病漢也故削其官

賜超東園秘器棺中玉具及葬發五營騎士將作大匠起冢塋其後四侯轉橫天下為之語曰左回天具

獨坐徐卧虎唐兩墮

章懷註持兩端而任意為兩墮

皆競起第宅以

華侈相尚兄弟姻戚宰州臨郡辜較

集覽辜罪較與權通專也言已

自專之他人取者輒罪也

百姓與盜無異虐徧天下民不堪命故

多為盜賊焉

左官兄為河東太守皮氏長趙岐恥之即日棄官西歸唐衛兄炫為京兆尹故

岐家屬宗親陷以重法盡殺之及逃難四方自匿姓名賣餅北海市中孫嵩見而異之載與俱歸藏于複

壁中及諸唐死遇赦乃散出趙歧字邛卿京兆長陵人初名嘉字臺卿後避難故改名字孫嵩字賓石

北海安邱人

閏月西羌寇張掖段熲破降之

先是燒當等八種羌叛寇隴右護羌校尉段熲擊破

之至是餘衆復與燒何大豪寇張掖晨薄熲軍熲下

馬大戰至日中刀折矢盡虜亦引退熲追之且鬪且

行晝夜相攻割肉食雪四十餘日遂至積石山

注見前

出塞二千餘里斬燒何大帥降其餘衆而還

是年冬羌圍允

街頰又破之

允街漢縣故城在

今甘肅涼州府平番縣允音鉛

夏五月漢中山崩

泰山賊殺都尉以皇甫規為太守討平之

時泰山賊勞丙等復叛其黨叔孫無忌攻殺都尉侯

章遣中郎將宗資

字叔都南陽安衆人

討之未服規到官廣設

方略寇賊悉平

辛丑 四年春二月武庫火

夏四月以劉矩

字叔方沛國蕭人

為太尉

黃瓊免以矩代

初矩為雍丘令以禮化民民皆感悟自草有訟者常引之於前提耳訓告以為忽惠可忍縣官不可入使歸更思訟者感之輒各罷去

五月有星孛於心

六月地震岱山

即泰山

及博

後漢縣故城在今山東泰安府泰安縣

尤來山

即徂徠山在泰安府東南 裂



秋七月減百官俸資

集覽資本作貸音待從人求物也

王侯半租賣闕

內侯以下官

九月以劉寵

字榮祖東萊牟平人

為司空

寵嘗為會稽太守除煩苛禁非法郡中大治被徵有

五六老叟人齎百錢送寵曰山谷鄙生未嘗識郡朝

郡廳事也

他守時吏發求民間至夜不絕民不得安自明

府下車以來狗不夜吠民不見吏年老遭值聖明今  
聞當見棄去故自扶奉送寵曰吾政何能及公言邪

勤苦父老為人選一大錢受之

冬諸羌復叛徵段頰下獄遣中郎將皇甫規擊破降之  
先是零吾羌與先零諸種寇三輔至是復寇并涼段  
頰將湟中義從討之涼州刺史郭閔貪其功稽固

頰軍使不得進義從役久叛歸閔歸罪於頰頰坐徵

下獄輸作左校

後西州吏民守闕為頰訟寃會羌益熾乃復以頰為校尉羌遂陸梁寇患

轉咸皇甫規上疏曰臣生長邈岐年五十九昔為郡吏再更叛羌豫籌其事有悞中之言願乞冗官備單車一介之使勞來三輔宣國威澤以所習地形兵執佐助諸軍且臣觀郡將已數十年矣力求猛敵不如

清平勤明孫吳未若奉法前變未  
遠臣誠戚之是以越職盡其區區  
詔以皇甫規為中

郎將監關西兵擊羌破之

明年春沈氏羌寇張掖酒  
泉規發先零諸種羌共討

隴右而道路隔絕軍中大疫死者十三四規親入廬  
廬巡視將士三軍感既東羌遂降涼州復通規條奏  
牧守貧暴我降老不任職倚持權貴者數人或免或  
誅羌人聞之翕然反善十萬餘口皆詣規降 廬廬  
庵草屋廬  
寄舍也

士 寅五年夏五月京師地震

冬十月以馮緄為車騎將軍討諸蠻降之

時長沙零陵

漢縣今為湖南永州府治

賊起攻桂陽

後漢郡治郴今湖南郴州是

等郡遣御史中丞盛修討之不克艾縣

漢縣故城在今江西南昌

府寧

賊遂焚燒長沙寇益陽

漢縣今屬湖南長沙府

零陵蠻亦

叛至是武陵蠻寇江陵南郡太守李肅棄城走

主簿胡爽

扣馬諫曰蠻夷見郡無備故敢乘間而進明府為國大臣連城千里奈何委符守之重而為逃遁之人乎

肅殺爽而走微肅棄市復爽門閭拜家一人為郎

乃以太常馮緄討之先是

所遣將帥宦官多陷以折耗軍資往往抵罪緄請中

常侍一人監軍財費尚書朱穆奏緄以財自嫌失大

臣節有詔勿劾緄請前武陵太守應奉

字世叔汝南頓人與

俱十一月至長沙賊悉降進擊武陵蠻夷斬四千級  
受降十餘萬荊州平定緄推功於奉薦以為司隸校

尉而緄上書乞骸骨不許

監軍使者張敞承宦官意  
奏緄將婢二人戎服自隨

又輒於江陵刻石紀功請下吏案尚書令黃儁議以  
為無罪明年長沙賊復起攻桂陽太守陳奉破降之  
緄遂免死

下皇甫規獄論輸左校

皇甫規持節還督鄉里既無私惠而多所舉奏又惡  
絕宦官不與交通于是遂共誣規貨賂羣羌令其文

降璽書誚讓規上疏自訟

畧曰臣前奏李翁等五臣支黨半國交構蒙門競流

謗讟

云臣私報諸羌謝以錢貨若臣以私財則家無

擔石如物出于官則文簿易考就臣愚惑信如言者

前世尚遺匈奴以宮姬鎮烏孫以公主

今臣但費千萬以懷叛羌何罪之有

帝乃徵規還

拜議郎論功當封而徐璜左愴欲從規求貨規終不

答璜等陷以前事下吏官屬欲賦斂請謝規誓不聽

遂論輸左校諸公及太學生張鳳等三百餘人詣闕

訟之會赦歸家

癸卯六年冬十月上校獵廣成

苑名在河南汝州西

遂至上林苑

陳蕃上疏諫曰安平之時遊畋宜有節況今有三空  
之危哉田野空朝廷空倉庫空加以兵戎未戢四方  
離散是陛下焦心毀顏坐以待旦之時也豈宜揚旗  
耀武騁心輿馬之觀乎且時當種麥豈可勞民書奏  
不省

十一月以周景

字仲饗舒  
人榮之孫

為司空

劉寵免  
景代

時宦官方熾景與太尉楊秉上言內外吏職多非其  
人舊與中臣子弟不得居位請皆斥罷帝從之于是

條奏牧守以下五十餘人或死或免天下肅然  
以張奐為度遼將軍皇甫規為使匈奴中郎將

初奐坐梁冀故吏免官禁錮規薦之前後七上乃拜  
武威太守至是規復徵為度遼將軍到營數月上書  
薦奐才畧兼優宜正元帥自乞冗官以為奐副從之  
尚書朱穆卒

朱穆疾宦官恣橫上疏曰案漢故事中常侍參選士  
人建武以後乃悉用宦者自延平以來浸益貴盛權



傾海內寵貴無極放濫驕溢漁食百姓臣以為可悉  
罷省更選海內清淳之士明達國體者以補其處不  
納後復口陳曰臣聞漢家舊典置侍中中常侍各一  
人省尚書事黃門侍郎一人傳發書奏皆用姓族自  
和熹太后以女主稱制不接公卿乃以閹人為常侍  
小黃門通命兩宮自此以來權傾人主窮困天下宜  
皆罷遣博選耆儒宿德與參政事帝怒不應穆伏不  
肯起左右傳出良久乃趨而去自此中官數因事稱

詔詆毀之穆素剛憤懣發疽卒

穆仕數十年疏食布衣家無餘財公卿共

表穆立節忠清追贈益州太守蔡邕與門人

諡為文忠先生 蔡邕字伯喈陳留圉人

甲辰七年春二月初鄉

章懷注即周承休侯國承休注見前

侯黃瓊卒

諡曰忠

瓊卒四方名士會葬者六七千人初瓊教授于家徐

穉從之諮訪大義及瓊貴穉絕不復交至是往弔進

酌哀哭而去

穉常于家豫炙一雞以絮漬酒中畢乾以裹雞徑到家外以水漬綿使有酒氣

用斗米飯白茅為藉以雞置前醜酒畢留詞去不見喪主人莫知者諸名士曰必

徐孺子也于是選能言者茅容

字季偉陳留人

輕騎追及為

辟氣噉虛名者  
曰而爭附即欲  
不及於福能乎

沽酒市肉稱為飲食容問國家事不答更問稼穡乃  
答之容還以語諸人郭泰曰孺子為人清潔高廉饑  
不可得食寒不可得衣而為季偉飲食此為已知季  
偉之賢故也所以不答國事者是其智可及其愚不  
可及也泰博學善談論初遊洛陽符融字偉明陳留  
浚儀人少師  
事李膺不仕終一見嗟異因以介于河南尹李膺膺與為友  
後歸鄉里諸儒送之河上車數千兩膺惟與泰同舟  
而濟衆賓望之以為神仙焉或問范滂曰郭林宗何

如人滂曰隱不違親貞不絕俗天子不得臣諸侯不  
得友我不知其他泰舉有道不就或勸之仕泰曰吾

夜觀乾象晝察人事天之所廢不可支也吾將優游  
卒歲而已然猶周旋京師徐穉以書戒之曰夫大木

將顛非一繩所維何為栖栖不遑寧處泰感悟曰敬  
拜斯言以為師表泰性明知人好獎訓士類因以成

名者甚衆

茅容年四十餘耕于野與等輩避雨樹下  
衆皆夷踞容獨危坐泰見而異之因請寓

宿且日容殺鷄食母餘半度置自以草蔬與客同飯  
泰曰郭林宗猶減三牲之膳以供賓客而卿如此乃

吾友也勸令從學鉅鹿孟敏字叔達荷甌墮地不顧而去秦見問之曰甌已破矣視之何益秦知其有分決亦勸令游學遂知名當世陳留仇香字季智至行純嘿年四十為蒲亭長勸人生業令子弟就學賑恤窮寡期年大化民有陳元獨與母居母詣香告元不孝香到元家為陳人倫孝行譬以禍福之言元感悟卒為孝子孝城令王真署香為主簿謂之曰聞在蒲亭陳元不罰而化得無少鷹鷄之志耶香曰以為鷹鷄不若鸞鳳故不為也真曰枳棘非鸞鳳所集百里非大賢之路乃使香入太學符融勸以交結香曰天子設太學豈但使人游談其中耶秦就房謁之嗟歎起拜牀下曰君秦之師非秦之友也陳國童子魏助請於秦曰經師易過人師難逢願給灑掃秦許而善之自餘或出于屠沽卒伍因秦獎進竝以成名

三月隕石于鄠

漢縣今屬陝西西安府

夏五月雨雹

秋九月荊州刺史度尚

度以官為氏尚字博平山陽湖陵人

擊桂陽艾縣

賊平之

先是陳奉破桂陽賊李研而餘黨卜陽潘鴻等逃入

深山至是合艾縣賊復叛尚募諸蠻夷進擊之破其

三匝多獲珍寶而士卒驕富莫有鬪志尚乃宣言兵

少未可進當須諸郡所發悉至乃并力攻之申令軍

中恣聽射獵兵喜皆出尚乃密使人焚其營獵者還

度尚焚營雖以  
術御士出于無  
可如何然較項  
羽窘迫沉船頗  
為勝之

營莫不涕泣尚人人慰勞深自咎責因曰陽等財寶  
足富數世諸卿但不并力耳所亡少少何足介意衆  
感憤踊尚敕令秣馬蓐食明旦徑赴賊屯陽等自以  
深固不復設備吏士乘銳遂破平之尚出兵三年羣  
寇悉平封右鄉侯

冬十月帝如章陵

十二月  
還宮

時公卿貴戚車騎萬計徵求費役不可勝極護駕從  
事胡騰

字子升  
桂陽人

言天子無外乘輿所幸即為京師臣

請以荊州刺史比司隸校尉臣自同都官從事帝從之自是肅然莫敢干擾詔書多除人為郎太尉楊秉上疏曰太微積星名為郎位太微宮五帝座後聚二十五星是為郎位奉宿衛出牧百姓宜割不忍之恩以斷求欲之路于是乃止

乙巳八年春正月遣中常侍左館之本楚邑漢置縣唐曰真源故城苦縣

在今河南歸德府鹿邑縣祠老子太康地記苦縣有賴鄉祠老子所生地也賴一作厲

丙申晦日食



中常侍侯覽免左官自殺貶具瑗為都鄉侯

侯覽弟參為益州刺史殘暴貪婪累贓億計楊秉奏  
檻車徵參于道自殺秉因奏曰臣按舊典宦官本任  
給使省聞而今執政操權中常侍侯覽弟參貪殘克  
惡自取禍滅覽知釁重必有自疑之意臣愚以為覽  
宜急屏斥送歸本郡書奏尚書召秉掾屬詰之曰三  
公統外御史察內今越奏近官經典漢制何所依據  
秉使對曰春秋傳曰除君之惡惟力是視鄧通懈慢

中屠嘉召詰責之漢世故事三公之職無所不統尚  
書不能詰帝不得已免覽官司隸韓縝因奏左官罪  
惡及其兄太僕稱皆自殺又奏具瑗兄恭賊罪瑗貶  
都鄉侯

廢皇后鄧氏幽殺之

帝多內寵鄧氏驕忌廢送暴室以憂死

詔李膺馮緄劉祐

字伯祖中山安國人

輸作左校

宛陵

宛當作荒後漢縣故城在今河南開封府新鄭縣

羊元羣罷北海郡賊

汚狼籍郡舍溷軒有奇巧亦載以歸河南尹李膺表按其

罪元羣行賂宦官膺竟反坐單超弟遷為山陽太守以罪繫

獄廷尉馮緄考致其死中官飛章誣緄以罪中常侍蘇康管

霸固猶強古也天下良田美業州郡不敢詰大司農劉祐移書

所在依科品沒入之帝大怒三人俱坐輸作左校

夏五月太尉楊秉卒以劉瑜字季節廣陵人為議郎

秉為人清白寡欲嘗言我有三不惑酒色財也既沒

所舉賢良劉瑜上書言中官不得裂土傳爵嬖女冗

食傷生州郡賄賂公行民愁鬱結去入賊黨貧民或

賈首級以要賞陛下又好微行近習暴縱惟遠斥邪

佞政和災弭矣拜為議郎

桂陽賊攻零陵度尚擊斬之

時荊州兵朱蓋等徵戍役久財賞不贍恣恚作亂與

桂陽賊胡蘭等復反攻零陵太守陳球拒之

按吏白球遣家

遊難球怒曰太守分國虎符受任一并豈顧妻孥而沮國威乎復言者斬乃弦大木為弓羽牙為矢引檠發之多所殺傷賊激流灌城球輒于內量度高下因地勢反決水淹賊相拒十餘日不能下賊氣益衰

陳球力守危城

卓然可觀至強

大木為弓羽牙

為矢乃傳會荒

唐語弓矢非破

車捕石之比古稱五石百步專以勁利為用徒取龐然長大即巧於引發不知何以用之文士譏言真不思之甚者

尚時徵還京師詔以為中郎將討擊斬之

餘黨南走蒼梧交趾

刺史張磐又破之賊復還荆州至靈帝時為零陵太守楊璇所平張磐字子石丹陽人楊璇字機平會稽烏程人

烏程人

閏月段熲擊西羌破之

段熲擊破西羌進兵窮追展轉山谷自春及秋無日

不戰虜遂敗散封熲都鄉侯

明年春正月當煎諸種復反熲又大破之西羌

遂定

秋七月以陳蕃為太尉

蕃讓曰不愆不忘率由舊章臣不如太常胡廣齊七

政訓五典臣不如議郎王暢

暢先為南陽太守奮厲威猛功曹張敞諫曰懇

懇用刑不如行恩孳孳求姦未若禮賢化人在德不在用刑暢深納其言于是更崇寬政慎刑簡罰教化

大文武兼資折衝萬里臣不如李膺上不許

八月初歛田畝稅錢

九月立貴人竇氏為皇后

采女田聖有寵帝將立以為后時竇武

字游平扶風平陵人融之

元孫有女亦為貴人陳蕃及司隸應奉皆以田氏卑微

竇氏良家爭之甚固帝不得已立竇氏拜武為特進

城門校尉封槐里侯

武在位多辟名士清身疾惡禮賂不通妻子衣食裁足而已得

兩宮賞賜悉散與太學諸生及旬施貧民由是衆譽歸之

以李膺為司隸校尉

陳蕃數言李膺馮緄劉祐之枉請加原宥誠辭懇切

以至流涕帝不聽應奉上疏乞原膺等以備不虞乃悉免其刑久之膺復拜司隸校尉時小黃門張讓弟朔為野王令貪殘無道畏膺威嚴逃還京師匿于兄

家合柱中膺率吏卒破柱取朔付獄受辭畢即殺之  
自此諸宦官皆鞠躬屏氣休沐不敢出官省帝問其  
故並叩頭泣曰畏李校尉時朝廷日亂紀綱頽廢而膺  
獨持風裁以聲名自高云

以劉寬

字文詒弘  
農華陰人

為尚書令

寬由東海相徵拜尚書令未幾出為南陽太守歷典  
三郡溫仁多恕雖在倉卒未嘗疾言遽色吏民有過  
但用蒲鞭罰之示辱而已終不加苦有功善推之于



下有災異則引躬自責每見父老慰以農里之言年  
少勉以孝弟之訓人皆悅而化之

丙午九年春正月辛亥朔日食詔舉至孝

太常趙典所舉至孝荀爽對策曰禮者所以興福祥  
之本止禍亂之源也衆禮之中昏禮為首陽性純而  
能施陰體順而能化以禮濟樂節宣其氣故能豐子  
孫之祚致老壽之福也臣竊聞後宮采女六千侍使  
復在其外空賦不辜之民以供無用之女百姓困窮

于外陰陽隔塞于內故感動和氣災異屢臻臣愚以  
為諸未幸御者一皆遣出使成配合此誠國家之大  
福也詔拜郎中

夏四月河水清

濟陰東郡  
濟北平原

帝親祠老子于濯龍宮

以文罽

毳布也  
縞毛為之

為壇飾淳金鈿器

以金飾器  
之口也

設華

蓋之坐用郊天樂

殺南陽太守成瑨

字功平  
弘農人

太原太守劉瓚

字文理  
高唐人

捕司

隸校尉李膺太僕杜密

字周甫潁川陽城人

部黨二百餘人下獄

遂策免太尉蕃

初帝為蠡吾侯受學于甘陵周福及即位擢福為尚

書時同郡房植有名當朝

鄉人為之謠曰天下規矩房伯武圓師獲印周仲進

伯武植之字仲進福之字

二家賓客互相譏揣遂成尤隙由是甘

陵有南北部黨人之議自此始矣汝南太守宗資

見前

以范滂為功曹南陽太守成瑨以岑暉

字公孝南陽棘人

為

功曹皆使之褒善糾違悉心聽政

二郡又為謠曰汝南太守范五博南

陽宗資主書諾南陽太守岑公孝弘農成瑨但坐嘯

太學諸生三萬餘人郭泰

賈彪

字偉節潁川定陵人彪嘗為新息長小民貧困多不養于彪嚴其制與殺人同罪數年間人養

子者以百數曰此賈父之所生也皆名之為賈

為其冠與李膺陳蕃王暢更

相褒重

學中語曰天下模楷李元禮不畏彊禦陳仲舉天下俊秀王叔茂

于是中外

承風競以臧否相尚自公卿以下莫不畏其貶議宛

有富賈張汎

帝美人之外親善雕鏤玩好以遺中官因得顯位

恃勢縱橫眊

勸瑒收捕既而遇赦瑒竟誅之後乃奏聞小黃門晉陽趙津貪橫放恣太原太守劉瓚亦於赦後殺之于

是侯覽使汎妻上書訟寃宦官因緣譖訴璠瓊帝大

怒徵下獄有司承旨奏當棄市山陽太守翟超以張

儉

字元節山陽高平人

為督郵

郡官監屬縣

侯覽家在防東

後漢縣故城在

今兗州府金鄉縣

殘暴百姓大起塋冢儉舉奏覽破其冢宅

籍沒資財徐璜兄子宣為下邳令求故汝南太守李

嵩女不得遂將吏卒至嵩家載其女歸射殺之東海

相黃浮收宣家屬無少長悉案棄市于是宦官訴寃

帝又大怒超浮並坐髡鉗輸作陳蕃與司空劉茂

叔字

盛愷之子 共諫請四人罪帝不悅茂不敢復言蕃乃上疏

曰今寇賊在外四支之疾內政不理心腹之患臣憂

左右日親忠言日疎內患漸積外難方深劉瓚成瑨

誠心去惡而令伏歐刀翟超黃浮奉公不撓並蒙刑

坐陛下深宜割塞近習與政之源引納尚書朝省之

士斥黜邪佞則天和于上地洽于下矣帝不納宦官

由此疾蕃彌甚輒以詔譴襄楷襄氏魯莊公子襄仲

之後以謚為氏楷字

公桓平原 上疏曰劉瓚成瑨志除奸邪而遠加考逮

隲陰人

三公乞哀而嚴被譴讓漢興以來未有拒諫誅賢用刑太深如今日者也書奏不省復上書曰黃門常侍天刑之人陛下愛待兼倍常寵繼嗣未兆豈不為此

又聞宮中立黃老浮屠

魏志浮屠正號曰佛陀與浮屠聲相近轉為二言以華言

譯之則曰淨覺

之祠黃老清虛好生惡殺省慾去奢浮屠不

三宿桑下

陳濟正誤曰沙門受道法者日中一食樹下一宿慎莫再宿矣莫再宿即不三宿之

也不欲久生恩愛今陛下淫女艷婦極天下之麗甘

肥飲美殫天下之味嗜欲不去殺罰過理奈何欲如

黃老浮屠乎時帝篤好浮屠術由是其法浸盛故楷  
及之尚書奏楷違經誣上司寇論刑璿璣竟死獄中

岑晳逃竄獲免

晳之亡也親友競匿之賈彪獨閉門  
不納曰傳言相時而動無累後人公

孝要君致蒙自遺其咎吾何容  
隱之乎後晳終于江夏山中

河內張成者善風角

推占當赦教子殺人李膺為司隸收捕逢宥竟案殺  
之成素以方技交通宦官宦官教成弟子牢修上書  
告膺等養太學遊士共為部黨誅訕朝廷于是天子  
震怒班下郡國逮捕黨人布告天下使同忿疾案經



薦善糾惡在朝  
官為舉職若繩  
紳居柳定當以  
劉勝為正否則  
大者橫議小者  
武斷其害曲可  
言哉寒蟬之請  
做不於倫其時

三府陳蕃卻之曰今所案者皆海內人譽憂國忠公

之臣此等猶將十世宥也豈有罪名不章而致收掠

者乎不肯平署帝愈怒遂下膺等北寺獄辭連太僕

杜密

密素與李膺名行相次時人謂之李杜密嘗為北海相去官還家每謁守令多所陳請同郡劉

勝亦自蜀郡告歸閉門掃執太守王昱謂密曰劉季陵清高士公卿多舉之者密曰劉勝知善不為聞惡無言隱情惜已自同寒蟬今志義力行之賢而密達之違道失節之士而密糾之使明府賞刑得中令聞休揚不亦萬分之一乎昱乃服

及陳寔范滂之徒二百餘人或遁逃

不獲皆懸金購募

陳寔曰吾不就獄東無所恃乃往請囚范滂至獄獄吏白祭皋陶滂

清流惡習害人  
至此無往黨綱  
之禍至死不悟  
也

曰皋陶古之直臣知滂無罪將理之于帝陳蕃復上  
如其有罪祭之何益于是諸人皆不祭

書極諫帝諱其言切託以辟召非人策免之

時黨獄所染皆

天下名賢皇甫規自以西州豪傑恥不得與乃自言  
臣前薦故大司農張奐是附黨也臣昔論輸左校太  
學生張鳳等訟臣是為黨人  
所附也臣宜坐之朝廷不問

匈奴烏桓降鮮卑走出塞

時徵張奐為大司農鮮卑聞奐去招結南匈奴及烏  
桓同叛數道入塞寇掠九郡諸羌亦共寇武威張掖  
乃復拜奐為中郎將以九卿秩督幽并涼三州及度

遼烏桓二營匈奴烏桓聞奐至皆降唯鮮卑出塞去

朝廷患檀石槐不能制遣使持印綬封為王欲與和

親檀石槐不肯受而寇抄滋甚自分其地為三部

從右

北平以東至遼東接夫餘濊貊為東部從右北平各以西至上谷為中部從上谷以西至烏孫為西部

置大人領之

丁未 永康元年夏五月地裂

京師及上黨

壬子晦日食

六月赦黨人歸田里禁錮終身

陳蕃既免朝臣震栗莫敢復為黨人言者賈彪曰吾

不西行大禍不解乃入洛陽說竇武霍諤

字叔智魏郡人

等使訟之武上疏曰近者奸民牢修造設黨議遂收

前司隸校尉李膺等連及數百人曠年拘錄事無效

驗膺等建忠抗節志經王室此陛下稷卨

與契通

伊呂

之佐而虛為姦臣賊子所誣枉惟陛下留神澄省時

謂即時也

見理出以厭人鬼喁喁之心書奏因以病上還

印綬諶亦表請帝意稍解使中常侍王甫就獄訊黨

人范滂等皆三木囊頭暴於階下甫曰卿等更相拔  
舉迭為脣齒其意如何滂曰滂欲使善善同其清惡惡  
同其汙謂王政之所願聞不悟更以為黨身死之日  
願埋於首陽山側上不負皇天下不愧夷齊甫愍然  
為改容乃得並解桎梏膺等又多引宦官子弟宦官  
懼請帝以天時宜赦六月赦天下改元黨人二百餘

人皆歸田里書名三府禁錮終身

滂候諳而不謝或讓之滂曰昔叔向

不見祁奚吾何謝焉滂歸汝南南陽士大夫迎之者車數千兩鄉人殷陶黃穆侍衛于旁應對賓客滂曰

是重吾禍也遂通還初詔下鈞黨郡國所奏多至百  
數唯平原相史弼無所上詔書迫切州郡髡答掾吏  
從事生傳舍責曰青州六郡其五有黨平原何治而  
獨無弼曰先王疆理天下畫界分境水土異齊風俗  
不同他郡自有平原自無胡可相比若承望上司誣  
陷良善則平原之人戶可為黨相有死而已所不能  
也從事大怒即舉奏弼會黨禁中解弼以俸贖罪所  
脫者甚衆竇武所薦會稽楊喬容儀偉麗數言政事  
帝愛其才貌欲妻以公主  
喬固辭不聽遂不食而死

秋八月巴郡言黃龍見

初郡人欲就池浴見池水濁因相譏曰此中有黃龍  
語遂流行太守欲上之郡吏傅堅諫曰此走卒戲語

耳不聽

時政化衰缺郡國多言瑞應是年八月魏郡言嘉禾生甘露降十一月西河言白兔見皆

黃龍

類也

大水渤海溢

冬十二月帝崩

年三十一

尊皇后曰皇太后太后臨朝

初竇后既立御見甚稀惟采女田聖等有寵后素忌  
恐帝梓宮尚在前殿遂殺田聖

遣使迎解瀆亭

在今直隸保定府祁州

侯宏

肅字子河間孝王開之曾孫祖淑父莫世

封解瀆

亭侯 詣京師

竇武台侍御史河間劉儵問以國中宗室之賢者儵稱宏武白太后以儵持節奉迎宏時年十二

孝靈皇帝

中代建寧元年春正月以竇武為大將軍陳蕃為太尉與司徒胡廣參錄尚書事

是時國嗣未立諸尚書多託病不朝蕃移書責之曰今帝祚未立諸君奈何委荼蓼之苦息偃在牀乎諸尚書惶怖皆起視事



解濟亭侯宏至入即位

定為孝  
靈帝

二月葬宣陵

在雒陽  
縣東北

史臣曰桓帝初誅梁冀奮怒威天下猶企其息肩而  
五邪嗣虐流行四方自非忠賢力爭屢折姦鋒雖願  
依斟流彘亦  
不可得已

追尊祖為孝元皇夫人為孝元后考為孝仁皇尊母董

氏為慎園

章懷注在瀛洲樂壽縣樂壽  
故城在今直隸河間府獻縣

貴人

夏五月丁未朔日食

六月京師大水

錄定策功封竇武為閭喜

漢縣今屬山西絳州

侯

盧植

字子幹涿郡涿人

說武宜辭大賞以全身名武不能用

植身長八尺二寸音聲如鐘性剛毅有大節少事馬融融性豪侈列女倡歌舞于前植未嘗轉盼融敬之

封陳蕃為高陽鄉

馮智舒貨實高陽鄉疑即高陽城注見前

侯不受

太后以蕃舊德特封之蕃固讓不受

秋九月太傅陳蕃大將軍竇武奏誅宦者曹節等節等殺之遂遷太后于南宮

初竇太后之立也陳蕃有力焉及臨朝政無大小皆

曰以蕃武並  
武會後立  
受侯封蕃  
仙勳身解上  
引見相去甚  
以蕃固武雖  
祁風雖有此  
可何復考為  
如終乃以武  
八事機並嬰

禍敗不得辭家  
斯之撰矣

委于蕃蕃與竇武同心戮力以獎王室徵天下名賢

李膺杜密尹勲

字伯元  
河南人

劉瑜等列於朝廷共參政事

於是天下延頸想望太平而帝乳母趙嬈及諸女尚  
書旦夕在太后側中常侍曹節王甫等共相朋結論  
事太后太后信之數出詔命有所封拜蕃武疾之會  
有日食之變蕃謂武曰昔蕭望之困一石顯况今石  
顯數十輩乎可因此斥罷宦官以塞天變武乃白太  
后曰故事黃門常侍但當給事省内門戶今乃使與

政事任重權子弟布列專為貪暴天下匈匈宜悉誅

廢以清朝廷太后曰故事世有宦官但當誅其有罪

者可盡廢耶時中常侍管霸頗有才畧專制省內武

先白收霸及蘇康等皆坐死武復數白誅節等太后

尤音由與豫不定未恐蕃上疏言侯覽曹節公乘所

王甫鄭颯等與趙夫人即趙諸尚書並亂天下今不

急誅必生變亂願出臣章宣示左右并令天下諸姦

知臣疾之太后不納八月太白犯房之上將入太微

晉書

甫罪久暴于  
下武猶陳不  
誅必俟鄭蠆  
連方自出宿  
人納奏傳云  
害害成無甚  
此者

天文志房四星為明堂天子布政之宮亦  
四輔也第一星上將也太微天子廷也

劉瑜惡之

上書太后曰案占書宮門當閉將相不利姦人在主

傍願急防之又勸武蕃速斷大計于是武奏免黃門

令魏彪以所親小黃門山

周有山師之官  
子孫以為氏

冰代之收

鄭蠆送北寺獄蕃曰此曹子便當收殺何復考為武

令冰與勳雜考辭連曹節王甫勳冰即奏收節等使

劉瑜內

讀曰納

奏九月武出宿歸府典中書者先以告

朱瑀瑀盜發武奏罵曰放縱者自可誅耳我曹何罪

而當盡見族戚因大呼曰陳蕃實武奏白太后廢帝

為大逆乃夜召所親共

音龔姓也商諸侯之國晉有左行共華

普等十

七人歃血共盟節請帝御前殿拔劍踊躍趙嬈等擁

衛左右閉諸禁門召尚書官屬脅以白刃使作詔版

拜王甫為黃門令持節至北寺獄收勲水殺之出颯

使持節收武等武馳入步兵營召會北軍五校士數

千人屯都亭下令軍士曰黃門常侍反盡力者封侯

重賞蕃聞難將官屬諸生八十餘人並拔刀突入尚

書門攘臂呼曰大將軍忠以衛國黃門反逆何云竇氏不道邪甫使劍士收蕃送北寺獄殺之時張奐徵還節等以奐新至不知本謀矯制使奐率五營士討武甫將千餘人出與奐合使其士大呼武軍曰竇武及汝皆禁兵當宿衛宮省何故隨反者乎營府素畏服中官于是武軍稍稍歸甫自旦至食時兵降畧盡武自殺梟首都亭收捕宗親賓客悉誅之及劉瑜馮述皆夷其族遷皇太后于南宮徙武家屬于日南門

生故吏皆免官禁錮

議卽巴肅始同謀節等不知但生禁錮後乃知而收之肅自戴

詣縣令解印綬欲與俱去肅曰為人臣者有謀不敢隱有罪不逃刑遂被誅

人曹節遷長樂衛尉與甫等六人皆封列侯

肅友朱震收葬

蕃屍匿其子逸事覺繫獄震受考掠誓死不言逸由是得免武掾胡騰殞故武屍行喪亦坐禁錮武孫輔年二歲騰詐以為已子與令史張敞共匿之亦得免

朱震字伯厚陳留人

張奐遷大司

農封侯奐深病為節等所賣固辭不受

冬十月甲辰晦日食

己酉 二年春正月尊慎園貴人董氏為孝仁皇后

置永樂宮如桓



帝尊區  
貴人禮

夏四月青蛇見御座上大風雨雷電詔公卿言事

張奐上疏曰昔周公葬不如禮天乃動威今武蕃忠

貞未被明宥妖青之來皆為此也宜急為改葬徙還

家屬其從坐禁錮一切蠲除又皇太后雖居南宮而

恩禮不接宜思大義顧復之報上深嘉其言而為宦

者所制不得從也

奐又與尚書劉猛等共為王暢李膺可參三公之選節等疾其言遂

下詔加責之奐等皆自囚

廷尉數日得出以俸贖罪

郎中謝弼

字輔宣東郡武陽人

上封

事曰皇太后幽隔空宮如有霧露之疾陛下何面目以見天下禮為人後者為之子今以桓帝為父豈得

不以太后為母哉臺宰重器國命所繫今之四公

太尉

司徒司空并

太傅為四公

惟劉寵斷斷守善餘皆素餐致寇之人

必有折足覆餗之凶可因災異並皆罷黜徵王暢李膺並居政事庶災變可消國祚惟永左右惡之以他

罪收弼掠死于獄光祿勳楊賜

字伯獻震之孫秉之子

曰王者

心有所想雖未形顏色而五星以之推移陰陽為其

變度夫皇極不建則有龍蛇之孽詩云惟虺惟蛇女  
子之祥惟陛下思乾剛之道別內外之宜抑皇甫之  
權割艷妻之愛則蛇變可消禎祥立應

六月以劉囂

字重寧長沙人

為司空

囂素附諸常侍故致位公輔

秋七月設頰大破東羌平之封頰新豐

注見前

侯

初頰既定西羌

事在桓帝延熹八年

而東羌先零等種猶未服

永康元年春先零圍殺相掠雲陽是夏寇三輔攻沒  
兩營殺相漢縣故城在今陝西西安府耀州殺丁

外反胡音謂雲陽漢縣故城在今陝西邠州淳化縣皇甫規張奐招之連年既

降又叛永康元年張奐遣司馬董卓擊破先零奐當封以不事宦官不果拜卓為郎中董卓字

仲穎隴西臨洮人桓帝詔以問頰頰上疏具對略曰東羌降於皇甫規者

已二萬落今所餘三萬餘落近居塞內路無險折久亂并涼累侵三輔是為癰疽伏疾留滯脅下如不加

誅轉就滋大若以騎五千步萬人車三千輛三冬二夏足以破定伏計永初中諸羌反叛十有四年用二

百四十億永和之末復經七年用八十餘億費耗若此猶不誅盡餘孽復起於茲為害今不暫疲民則永

寧無期臣庶竭駑劣伏待節度桓帝悉聽如所上頰於是將兵萬人

齋十五日糧從彭陽漢縣故城在今甘肅平涼府鎮原縣直指高平注見

前與先零諸種戰時虜兵盛頽衆守恐頽令軍士長鏃利刃長矛三重挾以彊弩列輕

騎為左右石翼謂將士曰今去家數千里進則事成走則盡死弩力共功名因大呼馳騎突擊

大破

之於逢義山

今平涼府固原州有須彌山或以為即逢義山

虜衆奔潰斬首

八十餘級太后下詔褒美以頽為破羌將軍

事在建寧元年

二月頽乘勝晨夜兼行連破之羌餘寇四千落悉散入

漢陽山谷間

張奐上言東羌雖破餘種難盡宜以恩降可無後悔詔書下頽復上言張奐說

虜強難破宜用招降聖朝明鑑信納替言臣謀得行  
與計不用逆懷猜恨飾潤辭意言羌一氣所生不可  
誅盡血流汙野傷和致災臣伏念先零雜種累經反  
覆臣奉大漢之威建長久之策欲絕其本根不使能

值本規三歲今過期年而餘寇殘熺特向殄滅願一  
以任臣臨時量宜不失權便 事在建寧元年七月

至是詔遣謁者馮禪說降漢陽散羌頽以羌雖暫降  
而縣官無廩必當復為盜賊不如乘虛放兵執必殄  
滅乃進營去羌所屯四五十里遣司馬田宴夏育先  
將兵進擊羌衆潰東奔頽遣千人于西縣注見前 結木  
為柵遮之分遣宴育等將七千人銜枚夜上西山結  
營穿塹去虜一里許又遣司馬張愷將三千人上東  
山虜乃覺之頽因與愷等扶東西山縱兵奮擊窮山

深谷之中處處破之斬其渠帥以下萬九千級馮禪

等所招降四千人于是東羌悉平更封頰為新豐縣

侯尋徵為侍中

頰在邊十餘年未曾一日葺寢與將士同甘苦故皆樂為死戰所向有功

凡百八十戰斬三萬八千餘級費四十四億軍士死者四百餘人

冬十月復治鈞黨殺前司隸校尉李膺等百餘人

初李膺等雖廢錮天下士大夫皆高尚其道更相標

榜為之稱號上曰三君

竇武陳蕃劉淑為三君者言一世之所宗也劉淑字仲

承河間

次曰八俊

李膺荀昱杜密王暢劉祐魏朗趙典朱寓為八俊俊者言人之英也

三君俊顧及厨更相標榜卒罹鈞黨之禍可為虛聲阿附炯鑒

趙典范書止名見次曰八顧郭泰宗慈巴肅夏馥

朱富沛人餘俱見前范滂尹勲蔡衍羊陟

為八顧顧者言能以德行引人者也宗慈字孝初

南陽安衆人夏馥字子治陳留圉人蔡衍字孟喜汝

南項人羊本皆羊舌氏春秋末始獨次曰八及張儉

從羊陟字嗣祖泰山梁父人餘見前

劉表陳翔孔昱范康檀敷翟超為八及及者言其能

導人追宗者也劉表字景升山陽高平人陳翔字

子麟汝南邵陵人孔昱字元世魯國人檀敷字文

有山陽瑕丘人翟超字及郡縣范書闕餘見前次

曰八厨度尚張邈王孝劉儒胡母班秦周蕃嚮王章

為八厨厨者言能以財救人者也度尚注

見前張邈字孟卓東平人王孝字文祖壽張人劉儒

字叔林東郡陽平人胡母班字季友泰山人秦周字

平王平邱人蕃嚮字嘉景魯方古之八元八愷陳竇

國人王章字伯儀東萊人



用事舉拔膺等及陳竇被誅膺等復廢官官疾惡之

而侯覽怨張儉尤甚

儉破覽冢宅事見前

儉鄉人朱並承覽意

指上書告儉與同鄉二十四人別相署號共為部黨  
圖危社稷詔刊章捕儉等曹節因諷有司奏諸鉤黨  
者下州郡考治是時上年十四問節等曰黨人何用  
為惡而欲誅之邪對曰相舉羣輩欲為不軌上曰不  
軌欲如何對曰欲圖社稷上乃可其奏或謂膺曰可  
去矣對曰事不辭難罪不逃刑臣之節也吾年已六

十死生有命去將安之乃詣詔獄考死門生故吏並

被禁錮

時御史蜀郡景毅子顧為膺門徒未有錄牒不及於建獲慨然曰本謂膺賢遣子師之豈

可以漏脫名籍苟安而已遂自表免歸

汝南督郵吳道受詔捕范滂至

征羌

後漢侯國故城在今河南許州鄆城縣

抱詔書閉傳舍伏牀而泣

一縣不知所為滂聞之曰必為我也即自詣獄縣令

郭揖解印綬引與俱亡滂曰滂死則禍塞何敢以罪

累君又令老母流離乎其母就與之訣曰汝今與李

杜齊名死亦何恨既有令名復求壽考可兼得乎滂

跪受教再拜而辭顧其子曰吾欲使汝為惡則惡不  
可為使汝為善則我不為惡行路聞之莫不流涕凡  
黨人死者百餘人妻子皆徙邊天下豪傑及儒學有  
行義者宦官一切指為黨人有怨隙者因相陷害睚  
眦之忿濫入黨中或有未嘗交關亦罹禍毒其死徙  
廢禁者又六七百人郭泰聞黨人之死私為之恟曰  
詩云人之云亡邦國殄瘁大雅瞻漢室滅矣但未知  
瞻烏爰止于誰之屋小雅正耳泰雖好臧否人倫而

張儉亡命跡類  
岑暉故榷之責  
儉與賈彪之拒  
暉所見頗正夫  
平時既以名士  
自處罪不逃刑  
之義尚不能守  
其名又何足稱  
卒致望門投止  
逕染無辜不亦  
鄙哉

不為危言覈論故能處濁世而怨禍不及焉

張儉亡命困迫

望門投止莫不重其名行破家相容後流轉東萊止  
李篤家外黃令毛欽操兵到門篤引欽就席曰張儉  
負罪豈得藏之若審在此此人名士明廷寧宜執之  
乎欽起撫篤曰遵伯玉耻獨為君子足下如何專取  
仁義篤曰今欲分之明廷豈非去矣欽歎息而去篤  
導儉出塞其所經歷連引收考徧天下儉與魯國孔  
褒有舊亡抵褒不遇褒弟融年十六匿之事泄儉亡  
走國相收褒融送獄未知所坐融曰保納舍藏者融  
也褒曰彼來求我非弟之過吏問其母母曰家事任  
長毋當其辜一門爭死郡縣疑不能決乃上獄之詔  
獨坐褒及黨禁解儉乃還鄉里夏馥問儉亡命歎曰  
華自己作空汙良善一人逃死禍及萬家何以生為  
乃自翦須變形入林慮山中隱姓名為冶家傭親突  
烟炭形貌致瘁積二三年人無知者馥弟靜戴繇常

申屠蟠未入仕  
本可以囊括目  
全獨惜陳蕃半  
膺等號為賢者  
既得時居位足  
弭小人之變所

追餉之諷不受曰弟奈何載禍相餉乎初中常侍張  
讓父死歸葬潁川雖一郡畢至而名士無往者讓恥

之陳寔獨弔焉及誅黨人讓以寔故多所全宥袁閔  
聞黨事起欲投迹深林以母老不宜遠遁乃築去室  
四周於庭不為戶自牖納飲食母思閔時往就視母  
去便自掩閉兄弟妻子莫得見也潛身十八年卒于  
土室 孔褒字文禮弟融字文舉魯國人 初范滂等  
孔子二十世孫袁閔注見前張讓潁川人

非訐朝政自公卿以下皆折節下之太學生爭慕其

風以為文學將興處士復用申屠蟠字子龍外黃人獨歎曰

昔戰國之世處士橫議列國之君至為擁篲先驅卒

有坑儒燒書之禍今之謂矣乃絕迹於梁碭之間因

處非申屠蟠比  
乃亦同于清流  
虛聲率以拘牽  
坐失事機難辭  
責賢之備不可  
徒諉之運會使  
然也

樹為屋自同傭人居二年滂等果罹黨錮之禍惟蟠

超然免於評論

司馬氏光曰天下有道君子揚於王廷以正小人之  
罪而莫敢不服天下無道君子囊括不言以避小人  
之禍而猶或不免黨人生昏亂之世不在其位四海  
橫流而欲以口舌救之以至身被淫刑禍及朋友士  
類殲滅而國隨以亡不亦悲乎夫惟郭泰旣明且哲  
以保其身申屠蟠見幾而作不俟終日卓乎其不可  
及  
己

庚子晦日食

庚戌  
三年春三月丙寅晦日食

辛  
亥 四年春正月帝冠赦唯黨人不赦

二月地震海溢

三月辛酉朔日食大疫

立貴人宋氏為皇后

帝朝太后于南宮

帝以太后有援立之功率羣臣朝南宮親饋上壽黃  
門令董萌因此數為太后訴寃帝深納之供養資奉  
有加于前曹節王甫疾之誣萌以謗訕永樂宮下獄

廟寢樣神園陵  
歲晚漢制上陵  
亦禮緣義起俗  
儒猶有執古不  
墓祭之說者豈  
言自是平允

死

子熹平元年春正月帝謁原陵

注見前

司徒掾蔡邕曰古不墓祭朝廷有上陵之禮始謂可  
損今見威儀察其本意乃知孝明皇帝至孝惻隱不  
易奪也禮有煩而不可省者此之謂也

三月胡廣卒

廣周流四公

一履司空再作司徒  
三登太尉又為太傅

三十餘年歷事六

帝禮任極優

罷免未嘗滿  
歲輒復升進

練達故事明解朝章京師



諺曰萬事不理問伯始

胡廣字

天下中庸有胡公然溫

柔謹愨常遜言恭色以取媚于時無忠直之風天下薄之

宦者侯覽有罪自殺

覽為長樂太僕

太后宮官

坐專權驕奢策收印綬自殺

夏六月大水

皇太后竇氏崩秋七月葬桓思皇后

竇太后母卒于比景太后憂思感疾崩于雲臺曹節

王甫欲用貴人禮殯帝曰太后親立朕躬統承大業  
豈宜以貴人終乎于是發喪成禮節等欲別葬太后  
而以馮貴人配祔詔公卿大會朝堂太尉李咸

字元卓汝

南西平人

時病扶輿而起擣椒自隨謂妻子曰若皇太后

不配食桓帝吾不生還矣既議坐者瞻望中官莫肯  
先言廷尉陳球曰皇太后以盛德良家母臨天下遭  
時不造援立聖明因遇大獄遷居空宮家雖獲罪事  
非太后今若別葬誠失天下之望且馮貴人無功于

國何宜上配至尊李咸曰臣本謂宜爾誠與意合公卿以下皆從球議節甫猶爭之咸復上疏曰太后以陛下為子陛下豈得不以太后為母子無黜母臣無貶君合葬宣陵一如舊制帝從之葬桓思皇后于宣陵

詔司隸校尉劉猛論輸左校

有人書朱雀闕

南司馬門闕  
左宮門外

言曹節王甫幽殺太后

詔司隸劉猛逐捕猛以其言直不肯急捕月餘主名

不立詔以段熲代之熲乃四出逐捕及太學游生繫者千餘人又以他事奏猛論輸左校

殺渤海王悝

質帝立梁太后徙封帝父鴻為渤海王薨無子以悝為嗣悝恒帝之弟也

初渤海王悝以不道貶為瘞陶

漢縣故城在今直隸趙州寧晉縣

王

因王甫求復國許謝錢五千萬既而桓帝遺詔復之悝知非甫功不與甫以中常侍鄭颯等與悝交通乃使段熲收颯等而奏颯等謀迎立悝詔冀州刺史收

悝迫令自殺

妃妻子女輔相以下百餘人皆被誅甫等十二人以功封列侯

癸丑 二年春正月大疫

夏六月地震海水溢

秋七月以唐珍潁川人為司空

珍中常侍衡之弟故得拜

冬十二月癸酉晦日食

甲寅 三年冬十一月吳郡注見前司馬孫堅字文臺吳郡富春人討會

稽賊許生三國志作許昌斬之孫堅始見此

先是會稽妖賊許生起句章後漢縣故城在今浙江寧波府慈谿縣自

稱陽明皇帝衆以萬數

事在元年

至是堅召募精勇得千

餘人與州郡合討生破斬之

乙卯四年春三月立石經于太學門外

雒陽記曰太學在雒陽城南開陽門

外堂前石經四部碑凡四十六枚

詔諸儒正五經文字命議郎蔡邕為古文篆隸

顏師古曰

古文謂孔子壁中書篆隸皆秦程邈所作篆有大篆小篆隸書以邈徒隸故謂之隸書也

三體書

之刻石立于太學門外使後儒晚學咸取正焉碑始立其觀視及摹寫者車乘日千餘兩

夏四月大水

鮮卑寇幽州

鮮卑屢寇幽并大為邊患是時朝議以州郡相黨人情比周乃制昏姻之家及兩州人士不得對相監臨

已復立三五法

謂昏姻之家及兩州人士不得交互為官也

禁忌轉密選

用艱難幽冀二州欠缺不補蔡邕上疏曰幽冀舊壤鎧馬所出比年兵饑漸至空耗今者闕職經時萬里蕭條無所管繫臣願蠲除近禁其諸州刺史器用可

換者無拘日月三互以差厥中不從

六月螟

說文蟲食殺葉者

丙辰五年夏殺永昌太守曹鸞更考黨人禁錮五屬

五服之內親也

永昌太守曹鸞上書曰夫黨人者或者年淵德或衣冠英賢皆宜股肱王室左右大猷者也而久被禁錮辱在塗泥所以災異屢見水旱洊臻宜加沛宥以副天心帝大怒檻車收鸞送獄掠殺之于是詔州郡更考黨人門生故吏父子兄弟在位者悉免官禁錮



爰及五族

光和二年前上祿長和海言黨人錮及五族有年訓典乃詔黨錮從祖以下皆釋之

上祿漢縣故城在今甘肅階州

成縣和氏堯時和仲和叔之後

丁巳六年夏四月大旱蝗

以旱蝗詔令三公條奏長吏苛酷貪汙者罷免之平

原相陽球

周景王封少子于陽樊因邑命氏球字方正漁陽泉州人

坐嚴酷徵詣

廷尉帝以球前討賊有功

九江山賊起球為九江太守設方畧山賊殄破特

赦之拜議郎

以宣陵孝子為太子舍人

宣陵孝子拜官  
並古異聞彼走  
馬應不求聞達  
科舉者廉父別  
居較此不為奇  
矣

市賈小民相聚為宣陵孝子者數十人詔皆除太子

舍人初帝好文學自造皇義篇五十章引諸生能為

文賦者並待制鴻都門下後諸為尺牘

木簡以書辭  
賦也長一尺

故曰  
尺牘

及工書鳥篆

字為蟲魚形  
六體之一也

者皆加引召至數十

人侍中祭酒樂松賈護多引無行趣執之徒置其間

憲

去聲  
好也

陳閭里小事帝甚說之待以不次之位蔡邕

因上封事

畧曰古者取士必使諸侯歲貢孝武之世  
郡舉孝廉又有賢良文學之選于是名臣

筆出文武並興漢之得人數路而已夫書辭賦才之  
小者匡國治政未有其能陛下聽政餘暇觀省篇章

聊以游意非以為教化取士之本而諸生競利作者  
鼎沸連偶俗語有類俳優或竊成文虛昌名士皆見  
拜擢既加之思難以收改但不可復使治民及在州  
郡宣陵孝子虛偽小人本非骨肉羣聚山陵假名稱  
孝義無所依至有姦軌之人通容其中太子官屬宜  
搜選令德豈有但取邱墓凶醜之人其為不祥莫大  
焉宜遣歸田里以明詐偽

書奏帝乃詔宣陵孝子為舍人者悉改  
為丞尉

秋八月遣校尉夏育等擊鮮卑敗績

護烏桓校尉夏育上言鮮卑寇邊自春以來三十餘  
發請徵幽州諸郡兵出塞擊之一冬二春必能禽滅

先是護羌校尉田晏坐事論刑欲立功自贖因請王

甫求得為將乃拜晏破鮮卑中郎將

大臣多不同者乃名百官議蔡

邕議曰自匈奴遁逃鮮卑疆盛據其故地稱兵十萬才力勁健意智益生加以闕塞不嚴禁網多漏精金良鐵皆為賊有漢人遁逃為之謀主兵利馬疾過于匈奴今有晏虛計二數自計有成若禍結兵連豈得中休當更徵發轉運無已就如其言猶已危矣况得失其可量邪帝不從八月遣育出高

柳晏出雲中各將萬騎出塞二千餘里檀石槐命三部大人逆戰育等大敗喪其節傳輜重各以數十騎

奔還死者什七八

育晏檻車徵下獄贖為庶人

冬十月癸丑朔日食

地震

鮮卑寇遼西太守趙苞

字威豪甘陵東武城人破之

遼西太守趙苞到官遣使迎母道經柳城

漢縣故城在今熱河

界值鮮卑萬餘人入塞寇鈔苞母及妻子遂為所劫

質載以擊郡苞出戰對陳賊出母示苞苞悲號謂母曰

為子無狀欲以微祿奉養朝夕不圖為母作禍昔為

母子今為王臣義不得顧私恩毀忠節唯當萬死無

程子論趙苞而及徐庶不知庶在當陽與昭烈君臣之分未定尚可言去使庶處苞位亦將捨郡全母乎至方孝孺所云更非

正論彼既挾其母以要之欲求兩全勢必兩失首鼠兩端者幸用藉口為苞計者設計全城可也進戰則太速矣然終以死報母則其節有可憐憫而不可竟以不知義罪之矣

以塞罪母遙謂曰威豪人各有命何得相顧以虧忠義爾其勉之苞即進戰賊悉摧破其母妻為賊所害苞歸葬訖謂鄉人曰食祿而避難非忠也殺母以全義非孝也如有何面目立于天下遂歐血而死

程子曰以君城降賊而求生其母固不可矣然亦當求所以生母之方奈何不顧而遽戰乎徐庶于此蓋得之矣

方氏孝孺曰苞善守官矣然而未知義也彼鮮卑者衆多而可以計取性貪而可以利誘苞若賂之而以母為請彼樂得吾之利未必不從縱使利未足以盈其心吾猶可以計勝之奈何不此之圖而使母死于

自古養士官人  
之弊陋至鴻都  
西邸而極矣論  
史者更何從加  
貶

冠乎夫義者合乎道而宜乎人心之謂素母以全城  
與金母而棄郡其非義則一也權其輕重使上不失  
職唯適于義者能之信  
于苞之不足以及此也

戊午  
光和元年春二月辛亥朔日食

地震

置鴻都門學

鴻都門學諸生皆敕州郡三公舉用辟召或出為刺  
史太守入為尚書侍中有封侯賜爵者士君子恥與  
為列既而詔為樂松等圖像立贊以勸學者尚書令

陽球諫曰松等皆出于微賤斗筭小人俛眉承睫微  
進明時而形圖丹青有識掩口願罷鴻都之選以銷天  
下之謗書奏不省

以張顥

字智明  
常山人

為太尉

顥為中常侍奉弟因永樂宮門史霍玉以進未幾罷  
夏四月地震

侍中寺雉雞化為雄

秋七月青虹見玉堂殿庭中

時又有異氣墮温德殿  
東氣如龍長十餘丈



上以災異詔問消復之術光祿大夫楊賜對曰今妾  
勝闞尹共專國朝鴻都羣小並各拔擢而令縉紳之  
徒委伏猷畝口誦堯舜之言身蹈絕俗之行委捐溝  
壑不見逮及冠履倒易陵谷代處幸賴皇天垂象譴  
告周書曰天子見怪則修德唯陛下斥遠佞巧抑止  
樂遊冀上天還威衆變可弭蔡邕對曰臣伏思諸異  
皆亡國之怪也天子大漢殷勤不已故屢出祿  
變以當譴責欲令人君感悟改危即安蜺墮雞化皆

與妖同

婦人干政之所致也前者乳母趙嬈讒諛驕溢門史

霍玉

永樂門史董太后宮官

城社為姦今道路紛紜復云有程

大人

宮官者宿皆稱中大人

者特為國惠宜明設禁令深惟趙

霍以為至戒聖朝既自約厲左右亦宜從化人自抑

損以塞咎戒則天道虧滿鬼神福謙矣帝覽而歎息

因起更衣曹節于後竊視之悉宣語左右中常侍程

璜使人飛章言邕私事下雒陽獄劾大不敬棄市中

常侍呂強

成牟人

愍邕無罪力為伸請詔減死一等與

家屬髡鉗徙朔方

瑒女夫陽球又與邕叔父有隙造客刺邕客感其義反以具情告之

由是得免

八月有星孛于天市

冬十月廢皇后宋氏幽殺之

后無寵而渤海王悝妃即后之姑也王甫恐后怨之因譖后挾左道祝詛帝信之策牧璽綬后自至暴室以憂死父鄴及兄弟並被誅

以袁逢

字周陽安曾孫

為司空

初太尉袁安子敞為司空

見前

孫湯

字仲河

復為太尉

湯三子長成

早卒

次逢次隗

字次陽

逢以三公子著稱

于時至是為司空隗亦顯官

熹平元年先逢為司徒

時中常侍

袁赦用事以逢隗相家與之同姓推崇以為外援故

袁氏貴寵于世成子紹

字本初

壯健有威容愛士養名

賓客輻輳逢子術

字公路

亦以俠氣聞

先是逢從兄子闕見時方險亂

而家門富盛常對兄弟歎曰先公福祚後世不能以得守之而競為驕奢與亂世爭權此即晉之三卻矣

丙子晦日食

尚書盧植上言黨錮多非其罪可加赦宥宋后家屬  
無辜不得斂葬宜敕收拾以安遊魂郡守刺史一月  
數遷縱不九載可滿三歲請謁希求一宜禁塞選舉  
之事責成主者天子無私宜宏大務蠲略細微帝不  
省

以橋元黃帝葬橋山子孫守冢因以為氏元字公祖睢陽人為太尉

元幼子十歲遊門次為人所劫登樓求貸元不與司  
隸校尉河南尹圍守元家不敢迫元瞋目呼曰姦人

無狀元豈以一子之命而縱國賊乎促令攻之元子亦死元因上言天下凡有刦質者皆并殺之不得贖以財寶開張姦路由是刦質遂絕

元居位數月以疾罷

初開西邸賣官

開邸舍于西園賣官二千石二千萬四百石四百萬其以德次應選者半之或三分之一令長隨縣好醜豐約有賈富者先入錢貧者到官然後倍輸又私令左右賣公卿公千萬卿五百萬

桓帝之初京都童謠曰城上烏尾畢逋公

為吏子為徒一徒死百乘車車班班入河間姪女工  
數錢以錢為室金為堂石上慊慊春黃梁梁下有縣  
鼓我欲擊之丞相怒及帝即位每笑桓帝不能作家  
曾無私錢董太后乃使帝賣官求貨以為私藏后亦  
目納金錢盈滿堂帝問侍中楊竒曰朕何如桓帝對  
室于是童謠始驗

曰陛下之于桓帝亦猶虞舜比德唐堯帝不悅曰卿  
強項真揚震子孫死後必復致大鳥矣

大鳥事見前  
竒震之曾孫

也

巳未  
二年春大疫

地震

夏四月甲戌朔日食

宦者王甫伏誅太尉段頰有罪自殺

王甫曹節等姦虐弄權段頰以輸貸得太尉阿附之

節甫父兄子弟為卿校牧守者布滿天下所在貪暴

甫養子吉為沛相尤殘酷視事五年凡殺萬餘人尚

書令陽球常拊髀發憤曰若陽球作司隸此曹子安

得容乎既而果遷司隸甫使門生于京兆界辜權與

較同注官物七千餘萬京兆尹楊彪字文先發之球

見前

賜之子

段頰平定兩羌  
漢末將材所謂  
錚錚佼佼者乃  
亦阿附閹豎晚  
節不終雖時勢  
所為然究失卓  
志矣

球甫為司隸即  
誅元惡以應鵠



擊鴟梟豈得謂  
之刑濫史臣列  
之酷吏竟與王  
吉同傳可謂無  
識

奏甫頰等惡悉收送雒陽獄及甫子萌吉罪自臨考

之五毒備極父子悉死杖下頰亦自殺乃磔甫尸于

夏城門

雒陽城南門名

大署榜曰賊臣王甫盡沒入其財產

妻子皆徙比景球遂欲以次表誅節等乃敕中都官

從事曰且先去權貴大猾若公卿豪右從事自辦之

何須校尉邪節等聞之不敢出沐會送虞貴人

順帝母

葬節見磔甫尸慨然投淚直入省白帝曰陽球故酷

暴吏不宜使在司隸以騁毒虐帝乃徙球為衛尉

于

曹節朱瑀等權勢復成梁人審忠上書極言瑀等罪惡請與方驗有不如言願受湯鑊之誅不報

封中常侍呂強為都鄉侯不受

強清忠奉公帝以衆例封為都鄉侯強固辭不受因上疏曰宦官品卑人賤妄授茅土開國承家小人是用陰陽乖刺罔不繇茲蔡邕對問毀刺貴臣譏呵宦官陛下不密其言令羣邪咀嚼致邕刑罪今羣臣皆以邕為戒臣知朝廷不復得聞忠言矣宜徵邕更加授任則忠貞路開衆怨可弭帝知其忠而不能用人

殺司徒劉劭

字季承河間人  
是年二月為司徒

少府陳球尚書劉納衛

尉陽球

初劭兄儵死于陳竇之難至是陳球說劭曰曹節等  
放縱為害可表徙陽球為司隸以次收節等誅之劭  
曰凶豎多耳目恐事未會先受其禍劉納曰公為國  
棟梁傾危不持焉用彼相邪劭許諾與陽球結謀球  
小妻程璜之女由是節等聞知共白帝曰劭等交通  
書疏謀議不軌帝大怒劭及陳球劉納陽球皆下獄

死

庚申 三年秋地震

冬有星孛于狼弧

晉書天文志狼一星在東井東南弧九星在狼東南

十二月立貴人何氏為皇后

徵后兄進

字遂高

為侍中后本南陽屠家以選入掖庭

生皇子辯故立之

後王美人生皇子協后酷殺美人帝怒欲廢后中官固請乃止

作畢圭靈昆苑

畢圭苑有二東畢圭苑周一千五百步西畢圭苑周三千三百步並在雒陽宣

平門  
外

司徒楊賜諫曰先王造囿裁足以修三驅之禮薪菜  
芻牧皆悉往焉今廢田園驅居人畜禽獸殆非若保  
赤子之義帝欲止侍中任芝樂松曰文王之囿百里  
人以為小今與百姓共之無害也帝悅遂為之

五年  
帝起

四百尺觀于阿亭道六年帝  
又置囿囿署以宦者為令

身四年夏六月雨雹

秋九月庚寅朔日食

鮮卑檀石槐死

子和連代立才力不及父而貪淫出攻北地人射殺之子騫曼幼兄子魁頭立後騫曼與魁頭爭國衆遂

離散

魁頭死弟步度根立

作列肆于後宮

帝作列肆于後宮使諸采女販賣更相盜竊爭鬪帝著商賈服從之飲宴為樂又于西園弄狗著進賢冠帶綬又駕四驢躬自操轡京師轉相倣效驢價遂與馬齊好為私穡與蓄同收天下珍貨每郡國貢獻先輸

中署名為導行費

貢獻外別有所入以為所獻導引也

呂彊諫曰天下

之財莫不生之陰陽歸之陛下豈有公私今中尚方

斂諸郡之寶中御府積天下之

繒

中尚方中御府皆私藏也

西園

引司農之藏中廐聚太僕之馬

時帝置駉驥廐丞領受天下調馬

而

所輸之府輒有導行之財調廣民困費多獻少女吏  
因其利百姓受其敝又阿媚之臣好獻其私容諂姑  
息自此而進書奏不省

壬戌五年春正月詔公卿舉刺史二千石為民害者

太尉許馹司空張濟

字元江陽人

承望內官受取貨賂其

宦者子弟賓客貪穢皆不敢問而虛糾邊遠小郡清

修有惠化者二十六人吏民詣闕陳訴司徒陳耽

字漢

公東海人

上言公卿所舉率黨其私所謂放鴟梟而囚鸞

鳳帝以讓馹濟由是諸坐謠言徵者悉拜議郎

二月大疫

夏四月旱

秋七月有星孛于太微

注見前



史稱宦官畏典  
然典實無所彈  
劾見於史策恐  
馬之誣蓋亦虛  
聲相尚而已

以桓典

字雅榮  
之元孫

為侍御史

典為御史宦官畏之典常乘驄馬京師為之語曰行  
行且止避驄馬御史

亥 癸

六年夏大旱

秋金城河溢

五原山岸崩

甲 子

中平元年春二月黃巾賊張角等起

初鉅鹿張角事黃老以妖術教授號太平道呪符水

張角左道惑眾  
積十餘年未聞  
有捕治之者卒  
致養癰滋蔓八

州牧庸懦乃爾  
時事可知矣

以療病遣弟子遊四方轉相誑誘十餘年間徒衆數

十萬

自青徐幽冀荆揚兗豫八州之人莫不畢應郡縣反言角以善道教化為民所歸

楊賜

上言宜敕州郡簡別流民護歸本郡以孤弱其黨然後誅其渠帥可不勞而定事留中司徒掾劉陶復上疏申賜前議帝殊不為意角遂置三十六方方猶將軍也大方萬餘人小方六七千各立渠帥訛言蒼天已死黃天當立歲在甲子天下大吉以白土書京城寺門及州郡官府皆作甲子字大方馬元義等先收

荆揚數萬人以中常侍封諂徐奉等為內應約以三月五日內外俱起至是角弟子唐周告之于是收元義車裂詔三公司隸案驗宮省直衛及百姓事角道者誅殺千餘人角等知事已露馳敕諸方一時俱起皆著黃巾為識

角自稱天公將軍弟寶稱地公將軍梁稱人公將軍時人謂之黃巾賊亦

名為所在燔劫旬月之間天下響應

以何進為大將軍屯都亭

自函谷

秦故關在今河南陝州靈寶縣南漢故關在今河南府新安縣東北武帝元鼎中徙置

太谷

在今洛陽縣東張衡東都賦太谷通其前即此

廣成

即廣成苑注見前

伊闕

在今

洛陽縣西即

春秋周闕塞轅轅

在今河南府偃師縣東南元和志山路險阻凡十二曲將去復還故

名旋門

在今河南開封府汜水縣西南

孟津

注見前

小平津

在今河南府孟津縣

北

皆置都尉官

是為八關都尉以備黃巾

赦黨人遣中郎將盧植討張角皇甫嵩

字義真規兄子

朱雋

字公

偉會稽

上虞人

討潁川黃巾

安平

後漢國治信都注見前

甘陵

注見前

人各執其王

安平王續甘陵王忠

應賊京師震動帝召羣臣會議北地太守皇甫嵩以

為宜解黨禁益出中藏錢西園廐馬以班軍士呂彊  
曰黨錮久積人情怨憤若不赦宥與角合謀為變滋  
大請先誅左右貪濁大赦黨人料簡牧守能否則盜  
無不平矣帝懼而從之發天下精兵遣植討張角嵩

儁討潁川黃巾

殺中常侍呂強侍中向栩

字甫興朝歌人

郎中張鈞

中山人

時趙忠張讓等貴寵上常言張常侍是我公趙常侍  
是我母由是宦官無所憚第宅擬則宮室上嘗欲登

呼常侍為公母  
千古奇事如此  
而不亡國者未  
之有也

永安宮候臺宦官恐望見其居處乃使人諫曰天子不當登高登高則百姓虛散上自是不敢復升臺榭及譖奉事發上詰責諸常侍曰汝曹常言黨人欲為不軌皆令禁錮今黨人更為國用汝曹反與角通為可斬未皆叩頭求退徵還宗親在州郡者已而趙忠夏憚共譖呂強云與黨人共議朝廷數讀霍光傳言其欲謀廢立也帝使中黃門持兵召強強怒曰丈夫欲盡忠國家豈能對獄吏乎遂自殺侍中向栩上便宜譏刺

左右讓誣栩與角為內應殺之即中張鈞上書曰張

角所以能興兵作亂萬民所以樂附之者皆由十常

侍宗親賓客典據州郡辜權財利侵掠百姓百姓冤

無所訴故聚為盜賊宜斬十常侍縣頭南郊以謝百

姓遣使者布告天下可不須師旅而大寇自消帝以

鈞章示諸常侍皆免冠徒跣頓首乞自致雒陽詔獄

並出家財以助軍費有詔皆冠履視事如故帝怒鈞

曰此真狂子也十常侍固當有一人善者不御史遂

誣奏鈞學黃巾道收掠死獄中

太尉楊賜免

帝問賜以黃巾事賜所對切直帝不悅坐寇賊免

五月皇甫嵩朱儁與騎都尉曹操

字孟德沛國譙人父高宦者曹騰養子或

曰嵩夏侯氏之子也

合軍討三郡黃巾破平之

胡三省曰曹操事始此

儁與賊波才

波姓才名王莽有波水將軍其後以波為氏

戰敗賊遂圍嵩

于長社

注見前

依草結營會大風嵩敕軍士皆束芑乘

城使銳士間出圍外縱火大呼城上舉燎應之嵩從



城中鼓譟而出奔擊賊陳賊驚亂奔走會騎都尉曹

操將兵適至合軍與戰大破之斬首數萬遂討汝南

陳國黃巾皆破之三郡悉平操少機警有權數而任

俠放蕩不治行業時人未之奇也唯橋元及何顥字伯

求南陽異焉元謂操曰天下將亂非命世之才不能

襄鄉人濟也能安之者非在君乎顥見操歎曰

漢家將亡安天時汝南許劭字子將與從兄靖字文

下者必是人也平與人故汝南

有高名好覈論鄉黨人物每月輒更其題品故汝南

俗有月旦評焉操往造劭問之曰我何如人劭鄙其

為人不答操刳之劬曰子治世之能臣亂世之姦雄  
操喜而去後舉孝廉為郎至是平賊遷濟南相奏免

長吏阿附賊汙者八人

朱偽護軍司馬傅燮上疏曰臣聞天下之禍不由于外皆

興于內今張角起趙魏黃巾亂六州此皆蒙發蕭牆而禍延四海者也臣奉辭伐罪戰無不克黃巾雖滅不足為憂臣之所懼在于治水不自其源末流彌增其廣誠使張角帶夷黃巾變服臣之所憂甫益深耳何者夫邪正不宜共國猶之水炭不可同器彼知正人知功顯而危亡之兆見皆特巧辭飾說共長虛偽若不詳察忠臣特復有杜郵之戮矣陛下宜速行詔按之誅則善人思進姦凶自息趙忠惡之變功當封忠諫之帝猶諶燮言不之然亦危不封也

傅燮字南容靈州人

交趾吏民作亂以賈琮

字孟堅東郡聊城人

為刺史平之

交趾多珍貨前後刺史無清行故吏民怨叛琮到部

訊其反狀咸言賦斂過重百姓莫不空單京師遙遠

告寃無所故聚為盜賊琮即移書告示各使安其資

業招撫荒散蠲復徭役誅斬渠帥為大害者簡選良

吏試守諸縣歲間蕩定百姓以安巷路為之歌曰賈

父來晚使我先反今見清平吏不敢飯

言吏不敢過民家而飯也

盧植圍張角于廣宗

後漢縣故城在今直隸廣平府廣宗縣今順德府廣宗縣元時所置

檻車徵還遣中郎將董卓代之

植連破張角斬獲萬餘角走廣宗植築圍鑿塹垂當  
拔之帝遣小黃門左豐視軍求賂不得還言于帝曰  
廣宗賊易破耳盧中郎固壘息軍以待天誅帝怒檻車  
徵植還減死一等遣卓代之

秋八月遣皇甫嵩討張角角死與角弟梁寶戰皆破斬  
之以嵩為車騎將軍領冀州牧

董卓以無功抵罪乃詔遣嵩時角已死嵩與其弟梁

皇甫嵩初以火  
攻破賊寇而斬  
賊賊渠功績最  
著同時盧植王  
允並以事成罪  
備嵩獨得免則

其明哲尤不可  
及

戰破之斬梁剖角棺傳首京師復攻梁弟寶于下曲

陽

後漢縣故城在今直隸正定府晉州

斬之嵩能溫卹士卒每軍行頓

止須營幔修立然後就舍軍士皆食爾

如此也

乃嘗飯

故所向有功

先零羌及涼州羣盜北宮

北宮氏衛公族以所居為氏

伯玉等反

北地先零羌及枹罕河關羣盜反共立湟中義從胡

北宮伯玉為將軍金城人邊章韓遂

字文約

素著名西

州羣盜誘而劫之使專任軍政殺太守燒州郡

初武威太守

守志行貪暴涼州從事蘇正和案致其罪刺史梁鵠懼欲殺正和以自解訪于漢陽長史蓋勳勳與正和有仇或勸勳報之勳曰謀事殺良非忠也乘人之危非仁也乃諫鵠曰夫紕食鷹隼欲其驚而烹之將何用哉鵠乃止正和詣勳求謝勳不見曰吾為使君謀非為正和也怨之如初至是叛羌圍校尉夏育于畜官勳與州郡救育為羌所敗勳餘眾不及百人身被三創堅坐不動羌滇吾以兵扞眾曰蓋長史賢人汝曹殺之為負天勳仰馬之滇吾下馬與勳勳不肯上羌服其義勇不敢加害送還漢陽蓋勳字元固敦煌人畜官漢書音義右扶風畜牧所在

朱雋擊南陽黃巾連破之

南陽黃巾餘黨更以趙宏為帥眾十餘萬據宛城朱

雋圍之不拔有司奏徵雋司空張溫

字伯慎  
檉人

曰臨軍

易將兵家所忌宜假日月責其成功帝乃止雋擊宏

斬之賊帥韓忠復據宛拒雋自將精卒乘城而入忠

乃退保小城乞降諸將欲聽之雋曰兵固有形同而

執異者昔秦項之際民無定主故賞附以勸來耳今

海內一統惟黃巾造逆納降無以勸善而更開逆意

使賊利則進戰鈍則乞降縱敵長寇非良計也因急

攻不克

雋登土山望之顧謂司馬張超曰吾知之矣  
賊今外圍周固內營逼急乞降不受欲出不

得所以死戰也萬人一心猶不可當况十萬乎不如  
撤圍并兵入城忠見圍解執必自出自出則意散易  
破之道也既而解圍忠出戰儁因擊大破斬之餘衆復奉

孫夏為帥屯宛儁急攻之司馬孫堅率衆先登拔城  
夏走儁追破之于是黃巾破散其餘州郡所誅一郡  
數千人

豫州刺史王允

字子師太原祁人

討黃巾破之徵下獄減死論

黃巾約封爵等  
為內應其言猶

出于張角弟子  
至王允奏上張

允破黃巾得張讓賓客書與黃巾交通上之帝責怒  
讓竟不能罪也讓由是以事中允下獄會赦還故官



讓與黃中交通  
之書雖中主亦  
當立置于法乃  
反信讒罪尤是  
真亡國之君胡  
實以中人以下  
日之猶為失寬

旬日間復以他罪捕既至廷尉大將軍進與楊賜袁  
隗共請之得減死論

乙丑 二年春正月大疫

二月南宮雲臺災

張讓趙忠說帝飲天下田畝十錢以修宮室鑄銅

人樂安太守陸康

字季寧吳郡人讀之孫

諫曰昔魯宣稅畝而蚩

災自生哀公增賦而孔子非之豈有聚奪民物以營  
無用之銅人捐捨聖戒自蹈亡王之法哉內倖譖康

援引亡國以譬聖明大不敬檻車徵詣廷尉侍御史

劉岱

字公山東萊人寵從子

表陳解釋得免歸田里又詔發州

郡材木文石黃門常侍輒令譴呵不中者因強折賤

買僅得本價十一復貸之中者亦不即受材木腐積

宮室連年不成刺史太守復增私調百姓呼嗟又令

西園騶分道督趨恐動州郡多受賕賂牧守茂才孝廉

遷除皆責助修宮錢當之官者皆先至西園諧價

平謂

定其

後也

然後得去鉅鹿太守司馬直以有清名減責

三百萬直悵然曰為民父母而反割剝百姓以稱時  
求吾不忍也辭疾不聽行至孟津上書極言吞藥自  
殺書奏帝為暫絕修宮錢

黑山

在今直隸順德府沙河縣北

賊褚燕降

自張角之亂所在盜賊並起不可勝數

其大聲者稱雷公騎白馬

者為張白騎多鬚者號于氏根大眼者為大目  
如此稱號各有所因大者二三萬小者六七千

常山

褚燕輕勇趨捷故軍中號曰飛燕山谷寇賊多附之  
部眾寢廣殆至百萬號黑山賊河北諸郡縣並被其

害朝廷不能討燕乃遣使奏書乞降遂拜燕平難中

郎將使領河北諸山谷事

已燕寇河內詔遣朱儁擊却之其後諸賊多為表結

所定燕眾稍散至建安十年

燕復率其眾降封安國亭侯

三月以崔烈

博平人實從兄

為司徒

時三公往往因常侍阿保入錢西園而得之

段熲張溫等雖

有功勤然皆先輸

貨財乃登公府

烈本冀州名士至是因傳母入錢

五百萬故得為司徒而聲譽頓衰

烈拜日帝謂親幸者曰海不少斯可

至十萬程夫人于傍應曰崔公名士豈肯買官賴我  
得是反不知妹耶 妹美也言反不知斯事之美也

北宮伯玉等寇三輔遣皇甫嵩討之

時涼州兵亂不解崔烈以為宜棄涼州詔會公卿議  
之議郎傅燮厲言曰斬司徒天下乃安尚書劾之帝  
召問狀燮對曰涼州天下要衝國家藩衛今牧御失  
和使一州叛逆烈為宰相不思所以弭之之策乃欲  
割棄萬里之土若使虜得居此地士勁甲堅因以為  
亂此社稷之憂也帝從之

夏四月大雨雹

環與賊通而受  
平賊之爵賞例

置至此雖有志

直如楊賜輩其

奈之何

封宦者張讓等十三人為列侯

以討張角功也

秋七月癸

罷皇甫嵩遣車騎將軍張溫代之

嵩之討張角也過鄴見趙忠舍宅踰制奏沒入之又

張讓私求錢不與二人奏嵩無功費多徵還收印綬

以溫討北宮伯玉拜董卓為破虜將軍統于溫

嵩既  
罷邊

章韓遂等大盛張溫將兵十餘萬與之戰輒不利十  
一月董卓等攻破之章遂走榆中溫因使卓討羗卓

糧絕乃于所度水中偽立堰以捕魚而潛從堰下過軍北賊追之決水已深不得度遂還也扶風溫以詔書召卓良久乃至溫讓之卓應對不順孫堅前耳語謂溫曰卓不怖罪而鴟張大語宜陳軍法斬之溫曰卓素著威名殺之西行無依堅曰明公親率王師威震天下何賴于卓卓輕上無禮一罪也沮軍疑衆二罪也受任無功應召稽留三罪也古之名將未有不斷斬以成功者今明公不即誅卓虧損威刑于是在矣溫不忍發榆中後漢縣故城在今甘肅蘭州府金縣

司空臨晉

注見前

侯楊賜卒

諡文烈

賜既免帝閱故事得賜與劉陶所上張角奏乃封賜

臨晉侯陶中陵鄉侯至是復以賜為司空

司空張溫出討以賜

代居位一月卒

殺諫議大夫劉陶前司徒陳耽

陶上疏陳八事大較言天下大亂皆由宦官宦官共  
讒陶收下黃門北寺獄掠按日急陶謂使者曰恨不  
與伊呂同儔而以三仁為輩遂閉氣而死耽為人忠  
正宦官怨之亦誣陷死獄中

造萬金堂

帝造萬金堂于西園引司農金錢繒帛物積堂中復



藏寄小黃門常侍家錢各數十萬又買田起第于河

間

明年帝修南宮玉堂殿鑄銅人四鐘四又鑄天祿蝦蟇轉水入宮復作翻車渴烏澀南北郊路以為

可省百姓澀道之費天祿章懷注獸名渴烏受水之器如烏之渴飲也

丙寅三年春二月遣使就拜張溫為太尉

三公在外始于溫

是冬徵溫還京師

以宦者趙忠為車騎將軍

帝使忠論討黃巾之功忠遣弟延致殷勤于傅燮曰

南容

傅燮字

少答我常侍萬戶侯不足得也燮正色拒

之曰遇不遇命也有功不論時也傅燮豈求私賞哉  
忠愈恨然憚其名不敢害出為漢陽太守

夏五月壬辰晦日食

丁卯四年夏四月韓遂圍隴西涼州殺刺史以應之遂圍

漢陽太守傅燮與戰死之

韓遂發邊章及北宮伯玉擁兵十餘萬進圍隴西太

守李相如反與遂連和殺涼州刺史耿鄙  
初鄙任治中程球球

通姦利士民怨之至是鄙率六郡兵討賊行至狄道別駕反應賊殺球及鄙  
鄙司馬扶風

傳變秉節始終  
真有疾風勁草  
之堅視爾時矯  
飾名高者實過  
之

馬騰

字壽成  
援之後

亦擁兵反又漢陽王國自號合衆將軍

皆與韓遂合共推國為主進圍漢陽城中兵少糧盡

太守傅燮固守

燮字幹年十三言于燮曰國家昏亂  
遂今大人不容于朝今兵不足以自

守宜還鄉里徐俟有道而輔之言未終燮歎曰汝知  
吾必死邪聖達節次守節殷紂暴虐伯夷不食周粟  
而死吾遭世亂不能養浩然之氣食人之祿又欲避  
其難乎吾行何之必死于此汝有才智勉之勉之主  
簿楊會吾之程嬰也  
幹字彥林亦知名王國使人說燮曰天下已非漢

有府君寧有意為吾屬帥乎燮按劍叱之遂麾左右

進兵臨陳戰歿

諡曰  
壯節


前太邱長陳寔卒

寔在鄉間平心率物其有爭訟輒求判正曉譬曲直  
退無怨者至乃歎曰寧為刑罰所加不為陳君所短

楊賜陳耽每拜公卿羣僚畢賀  
輒歎寔未登大位愧于先之  
及卒海內走弔者三

萬餘人謚為文範先生

御批歷代通鑑輯覽卷二十五



總校官進士臣程嘉謨  
校對官編修臣吳舒帷  
膳錄監生臣李邦燮